



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-466-2/25**
Datum: **17.11.2025. godine**

„Agencija za vodno područje rijeke Save“ Sarajevo rješavajući po zahtjevu „Agencije za vodno područje rijeke Save“ Sarajevo, podnesenom putem „Sektora za realizaciju projekata“, za izdavanje prethodne vodne saglasnosti za regulaciju korita rijeke Vrbas u naselju Pajić Polje, na području općine Gornji Vakuf - Uskoplje, na osnovu člana 109. stav (1) tačka 8. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99 i 61/22), donosi

RJEŠENJE **o vodnoj saglasnosti**

1. „Agenciji za vodno područje rijeke Save“ Sarajevo daje se vodna saglasnost za regulaciju korita rijeke Vrbas u naselju Pajić Polje, u dužini od cca 1650m, na području općine Gornji Vakuf - Uskoplje, a u cilju poboljšanja uslova tečenja i sprječavanja štetnog djelovanja voda, na osnovu tehničke dokumentacije pod nazivom:
 - *Glavni projekat: „Regulacija rijeke Vrbas u dužini od 1.000,00 m u naselju Pavić Polje, općina Gornji Vakuf - Uskoplje“, urađen od strane „SARAJ INŽENJERING“ d.o.o. Sarajevo, 2012. godine.*
- Ova vodna saglasnost može se koristiti isključivo u postupku pribavljanja odobrenja za građenje, a u skladu sa Zakonom o prostornom uređenju i Zakonom o građenju Srednjobosanskog kantona.
2. Vodna saglasnost se donosi na osnovu pregleda dostavljene tehničke dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja.
3. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Sve radove na regulaciji korita rijeke Vrbas u naselju Pajić Polje, u dužini od cca 1650m, na području općine Gornji Vakuf - Uskoplje u cilju poboljšanja uslova tečenja i sprječavanja štetnog djelovanja voda izvesti u skladu sa ovjerenom tehničkom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova, a u skladu sa uslovima iz ove vodne saglasnosti.
 - 3.2. Korisnik vodne saglasnosti je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Korisnik vodne saglasnosti je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.4. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.5. U toku izvođenja predmetnih radova, iskopani materijal i nastali otpad se ne smije ni privremeno odlagati na zemljišnu česticu „vodno dobro“, odnosno unositi u vodotok i na njegove obale.
 - 3.6. U toku izvođenja radova, neophodno je poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanje kvaliteta vode i dr).
 - 3.7. Planom organizacije gradilišta koje će se formirati u funkciji provođenja predmetnih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.8. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.

- 3.9. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.10. Nakon završetka radova na predmetnom lokalitetu u naselju Pajić Polje neophodno je radni pojas koji uključuje korito, inundacioni pojas i obale rijeke Vrbas urediti i očistiti od gradilišnog i drugog otpada.
- 3.11. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 06/6-19.3-1011-2/25 izdatog dana 22.10.2025. godine od strane Službe za prostorno planiranje, imovinsko pravne poslove i katastar Općina Gornji Vakuf - Uskoplje.
- 3.12. Sve eventualne kolizije sa postojećim infrastrukturnim objektima (instalacije vodovoda i kanalizacije, elektro i sl.) na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatora koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na regulaciji korita rijeke Vrbas u naselju Pajić Polje, u dužini od cca 1650m, na području općine Gornji Vakuf - Uskoplje ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala rijeke Vrbas ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
7. Kada period izvođenja radova bude tačno preciziran, korisnik vodne saglasnosti ostaje u obavezi da najmanje sedam dana ranije obavijesti Sportsko ribolovno društvo „Vrbas“ Gornji Vakuf - Uskoplje, koje je korisnik ribolovnog prava na ovom ribolovnom području, o početku izvođenja radova u koritu rijeke Vrbas na predmetnim lokalitetima u naselju Pajić Polje.
8. Ukoliko se prilikom izvođenja zemljanih radova pojavi višak materijala iz iskopa, a koji ne bude iskorišten za predmetne radove na regulaciji korita rijeke Vrbas na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora i Nadzora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji će se eventualno pojaviti kod predmetnog uređenja, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka („Službene novine Federacije BiH“, broj 58/15).
9. Korisnik vodne saglasnosti je dužan da prije početka izvođenja radova u saradnji sa nadležnim službama Općine Gornji Vakuf - Uskoplje riješi imovinsko pravne odnose na lokalitetima izvođenja radova, na mjestu formiranja privremenih gradilišta, pristupnim putevima i deponijama za odlaganje nanosa i materijala izvađenog iz korita.
10. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
11. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na uređenju/čišćenju korita rijeke Vrbas u skladu sa tehničkom dokumentacijom iz tačke 1. dispozitiva ovog rješenja.
12. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

„Agencije za vodno područje rijeke Save“ Sarajevo, putem „Sektora za realizaciju projekata“, podnijela je ovoj Agenciji dana 31.10.2025. godine zahtjev za izdavanje vodne saglasnosti za aktivnosti na regulaciji korita rijeke Vrbas u naselju Pajić Polje, u dužini od cca 1650m, na području općine Gornji Vakuf - Uskoplje, a u cilju poboljšanja uslova tečenja i sprječavanja štetnog djelovanja voda na osnovu tehničke dokumentacije pod nazivom: Glavni projekat: „Regulacija rijeke Vrbas u dužini od 1.000,00 m u naselju Pavić Polje, općina Gornji Vakuf - Uskoplje“, urađen od strane „SARAJ INŽENJERING“ d.o.o. Sarajevo,

2012. godine, a u postupku izdavanja odobrenja za građenje. U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Kopija Rješenja o izmjenama podataka broj: 065-0-Reg-25-003258 izdatog od strane Općinskog suda u Sarajevu 13.08.2025. godine,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-45391/12 izdatog od strane Federalnog zavoda za statistiku – Služba za statistiku za područje kantona Sarajevo dana 11.12.2012. godine,
- Kopija Uvjerenja o poreznoj registraciji izdatog od strane Porezne uprave FBiH – Kantonalni porezni ured Sarajevo dana 14.12.2012. godine,
- Saglasnost za izvođenje radova na regulaciji korita rijeke Vrbas u naselju Pajić Polje izdata od strane Sportsko ribolovnog društva „Vrbas“ Gornji Vakuf – Uskoplje izdata 23.10.2025. godine,
- Kopija Rješenja o urbanističkoj saglasnosti broj: 06/6-19.3-1011-2/25 izdatog od strane Službe za prostorno planiranje, imovinsko pravne poslove i katastar Općina Gornji Vakuf - Uskoplje dana 22.10.2025. godine
- Kopija Izjave o riješenim imovinsko – pravnim odnosima broj: 02-19.2-2317/24 izdate od strane općine Gornji Vakuf – Uskoplje dana 24.10.2025. godine,
- Kopija Rješenja o prethodnoj vodnoj saglasnosti broj: UP-1/21-1-40-336-5/25 izdatog od strane Agencije za vodno područje rijeke Save dana 23.09.2025. godine.
- Glavni projekat: „Regulacija rijeke Vrbas u dužini od 1.000m, u naselju Pavić Polje, općina Gornji Vakuf - Uskoplje“, urađen od strane „SARAJ INŽENJERING“ d.o.o. Sarajevo, 2012. godine.

U dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na regulaciji korita rijeke Vrbas u naselju Pajić Polje, na području općine Gornji Vakuf - Uskoplje, izrađena je projektna dokumentacija: Glavni projekat: „Regulacija rijeke Vrbas u dužini od 1.000,00 m u naselju Pavić Polje, općina Gornji Vakuf - Uskoplje“, urađen od strane „SARAJ INŽENJERING“ d.o.o. Sarajevo, 2012. godine.

Dostavljena projektna dokumentacija iz tačke 1. dispozitiva Rješenja urađena je u skladu sa uslovima datim u Rješenju o prethodnoj vodnoj saglasnosti broj: UP-1/21-1-40-336-5/25 donesenom dana 23.09.2025. godine od strane ove Agencije, a za aktivnost na regulaciji obala rijeke Vrbas u naselju Pajić Polje, u dužini od cca 1650m, na području općine Gornji Vakuf - Uskoplje u cilju poboljšanja uslova tečenja i sprječavanja štetnog djelovanja voda, te je shodno članu 114. Zakona o vodama, upisivanjem broja i stavljanjem otiska pečata ove Agencije na tehničku dokumentaciju data vodna saglasnost na istu.

Urbanističke uslove za uređenje obala rijeke Vrbas na lokaciji u naselju Pajić Polje, u dužini od cca 1650m, na području općine Gornji Vakuf - Uskoplje, podnosiocu zahtjeva je kroz Rješenje o urbanističkoj saglasnosti izdala Služba za prostorno planiranje, imovinsko pravne poslove i katastar Općina Gornji Vakuf - Uskoplje.

U tehničkoj dokumentaciji su priloženi opisi i nacrti uobičajeni za ovaj nivo dokumentacije: situativni prikazi projektnog rješenja MJ. 1:1000; uzdužni profili MJ. 1:100/1000; normalni profil MJ. 1:100; poprečni profili u mjerilu MJ. 1:100.

Aktivnosti na regulaciji obala rijeke Vrbas u naselju Pajić Polje, u dužini od cca 1650m, na području općine Gornji Vakuf - Uskoplje, podrazumijeva radove na uređenju korita od profila P1 do P35 u skladu sa usvojenom varijantom normalnog profila (kameni nabačaj, nagib kosine 1:1.5, humuzirana kosina iznad kamene obloge) sa zaštitnim nadvišenjem od 0,50m (faza II). Regulacijom obala rijeke Vrbas u naselju Pajić Polje na predmetnoj dionici obezbjeđuje se proticajni profil, stabilizacija obala i sprječava se štetno djelovanje voda, a sve u cilju smanjenja nastanka šteta od poplava i zaštite lokalnog stanovništva i njihove imovine.

Na temelju utvrđenog činjeničnog stanja i dostavljene dokumentacije, a u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 8., a u vezi sa članom 114. Zakona o vodama i članom 17. stav (1), tačka 9. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), riješeno je kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Munir Trako, dipl.ing.građ.

Prilog:

- Ovjerena projektna dokumentacija: Glavni projekat: „Regulacija rijeke Vrbas u dužini od 1.000,00 m u naselju Pavić Polje, općina Gornji Vakuf - Uskoplje“, urađen od strane „SARAJ INŽENJERING“ d.o.o. Sarajevo, 2012. godine (Ev. broj: 2223/I-4)

Po ovlaštenju

Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- Agencija za vodno područje rijeke Save – Sektor 30 (prilog)
- AVP Sava, ISV - vodna knjiga
- Sektor 40 – arhiva
- Oglasna ploča AVP Sava